

Aalisarnermut aningaasaliissutinut immikkoortitat pillugit Inatsisartut inatsisaat

Kapitali 1

Aalisarnermik aningaasaliinernut immikkoortitanik pilersitsineq

§ 1. Inatsisartut inatsisaata siunertaa tassaavoq aalisarnermik inuussutissarsiortut ineriarornerinut siuarsarnerinullu tapiissuteqarnissaq, ilanggullugu inuussutissarsiummi peqataasunut nutaanut isersinnaanerup ajornannginnerulerissa. Inatsisartut inatsisaat aalisarnermik inuussutissarsiorterup inuaqatigiinni sapinngisamik annertunerpaamik iluanaaruteqarnissaanut peqataassaaq ilanggullugu aalisarnermi naammassisqaqsinnaassuseq, unammillersinnaassuseq aamma aalisakkanik pisuussutinuk aalisarsinnaassutsip ingerlaavartumik naleqqussarsinnaanera pitsaunerulersillugu kiisalu kalaallit nunaanni aalisarnermut iluaqutaasumik nutarsaanerit siuarsarlugit.

Imm. 2. Aalisarnermut aningaasaliissutinut immikkoortitat Aningaasanut inatsimmi immikkoortinneqassapput aamma Aalisarnermut Aningaasaliissutinut Immikkoortitani ileqqaarneqarlutik.

Kapitali 2

Inatsisip atuuffia

Ingerlaavartumik taarsersuinernut nutarterinernullu tapiissutit

§ 2. Naalakkersuisut sinerissami qanittumi aalisariutit teknikkikku pisoqaassutsikkullu ajorsiartornerat malillugu ingerlaavartumik taarsersornerannut nutarternerannullu tapiissuteqarsinnaapput.

Imm. 2. Taamaallaat tapiissuteqartoqarsinnaavoq angallatinik nutaanik atornikunillu pisinernut inuussutissarsiorteremi atorneqarsinnaasutut akuerisaasunut aammalu siunissami sivisunerusumi aalisarsinnaalluassuseq ingerlatiinnarumallugu aalisarsinnaalluartutut nutaliaasutullu nalilerneqartunut.

Imm. 3. Imm. 1 malillugu sinerissap qanittuani aalisarnermi aalisariutinik ingerlaavartumik taarsersuinermi nutarterinermilu ilaapput teknikkikku atortut, sillimaniarnermi atortut, teknikkikku atortut allat, aalisarnermi atortut atortullu tamakku assigisaat, suliniullu piviusun-ngortinniarlugu teknikkikku aningaasatigullu pisariaqartumik siunnersorneqarneq.

Suliniutinut nutarterisunut tapiissutit

§ 3. Kalaallit Nunaata aalisarnikkut pisuussutaanik ineriarortitsinermut taakkuninngalu atuinermut iluaqutaasutut nalilerneqartunut ingerlatsinissamut, Naalakkersuisut misiliutigalugu nutaanik suliniutinik

pilersitsinernut, misileraalluni aalisarnernut assigisaasaluunniit, naammassineqarnissaannut tapiissutinik tunniussisinhaapput, uku ilanngullugit:

- 1) Imartap aalisarnikkut periarfissaanik, immikkut aalisagaqarneranik aamma aalisarnerup allanngortinneqarsinnaaneranik periarfissanik misissuinernut.
- 2) Aalisarnermi atortunik pitsangorsaaneq naammassisqaqnerulersitsinerlu, aalisariaatsinik allanik misileraaneq sungiusarnerlu.
- 3) Ataavartitsiniarluni suliniutinik killilersuinermilu periutsinik misileraanerit, ilanngullugit aalisarnermi atortunik immikkoortiterisinnaasunik qajassuussisinnaasunillu inerisaaneq misileraanerlu.
- 4) Aningasaqarnikkut iluanaaruteqarnerup pitsaanerulernissaa siunertalarugu tunisassianik aamma tunisassioriaatsinik pioreersunik inerisaqqinneq pitsangorsaunerlu.
- 5) Aalisakkanik tukertitsivinnik pilersaarusiornissamut misissuinerit ineriertitsinermilu suliniutit.

Kapitali 3

Qinnuteqaatit

Qinnuteqaatit imaat

§ 4. §§ 2 aamma 3 naapertorlugit tapiiffigineqarnissamut qinnuteqaammi sulinummik aallaserisaq ukuninnga imalik ilanngunneqassaq:

- 1) Pilersaarutip siunertaanik isumaanillu nalunaarut.
- 2) Ingerlatsinermi aningasaqarnermilu missingersuutit tapiiffigitinnissamut pisariaqartinneqartut annertussussiinik nalunaarut.
- 3) Sulinummik peqataasunik piginnittunillu tamanik nalunaarut.
- 4) Sulinummik aqutsineq aqutsisullu pisinnaasaannik allaaserinninneq.
- 5) Suliniutip naammassineqarnissaanut piffissaliussaq.
- 6) Teknologi, atortut, tunisassiornermi atortut angallallu atorneqartussaq pillugit pingaarnersiorlugit allaaserisaq.
- 7) Pilersaarummi tunisassianik tunitsiviit aqqutigineqartussat pillugit nalunaarut.

Qinnuteqaammi upternarsaatinut piumasaqaatit

§ 5. §§ 2 aamma 3 naapertorlugit tapiiffigineqarnissamik qinnuteqaammut upternarsaatit ilanngunneqassapput, taassuma ataani ukununnga upternarsaatit:

- 1) Pisassiissutinut, aalisarsinnaanermut akuersissutinut imaluunniit akuersissutinut pisariaqartunut piumasaqaataasoq inatsit una malillugu aningasatigut tapiiffigineqarnissaq.
- 2) Avataanit atortitsisartut aningaasaliisinhaanerannik neriorsuut imaluunniit pilersaarutip aningaasartuutitassai tamarmiusut eqqarsaatigalugit §§ 7, imm. 1 aamma § 8 imm. 1 malillugit nammineq aningaasaliisinhaaneq.
- 3) Suliffeqarfimmik isumaqatigiissutinillu tassunga atasunik piginnittuuneq.
- 4) Inuussutissarsiornermut pisortaniit taarsigassarsiat.

Kapitali 4

Tapiissutinik tunniussineq

§ 6. § 2 malillugu tapiissutinik qinnuteqaatip nalilersornerani, suliniut tamaat isigalugu nalinginnaasumik aningaasatigut angusassatut ilimagineqarsinnaasut allaavigalugit Naalakkersuisut suliniummik naliliissapput.

Imm. 2. § 3 malillugu tapissutinik qinnuteqaatip nalilersornerani, suliniut tamaat isigalugu suliniummi pineqartumi siunissami kalaallit aalisarnermi inuussutissatissarsiorneranni periarfissatut ilimagineqarsinnaasut aallaavigalugit Naalakkersuisut nalilersussapput.

Imm. 3. Naalakkersuisut §§ 2 aamma 3 malillugit tapiissutisinissamik qinnuteqaatit nalilersornerini, ilaatigut qinnuteqartoq siusinnerusukkut tapiissutisimanersoq, siusinnerusukkut tapiissutisinermi piumasaqaatinik sumiginnaasimanersoq, imaluunniit pisortanit inuussutissarsiutinut taarsigassarsianik sumiginnaasimanersoq pingaarutilittut nalilersinnaavaat.

§ 7. § 2 malillugu Naalakkersuisut ukununnga tapiisinnaapput:

- 1) Raajarniarnermi pisinermi nalingata tamarmiusup 10%-ia tikillugu.
- 2) Raajat saniatigut aalisarnerni allani pisinermi nalingata tamarmiusup 20%-ia tikillugu.

Imm. 2 *Imm.* 1 malillugu pisinermi nalinganut tamarmiusumut ilaapput:

- 1) Angallat teknikkikkut pisariaqartunik ikkussuiffigineqarsimasoq.
- 2) Isumannaallisaanermi atortut.
- 3) Teknikkikkut ikkussukkat allat.
- 4) Aalisarnermi atortut assigisaallu ingerlatsinermut atortut allat.
- 5) Suliniutip naammassineqarnissaanut teknikkikkut aningaasaqarnikkullu siunnersuinerit pisariaqartut.

Imm. 3. *Imm.* 1 apeqqutaatinnagu Qaanaamut, Ittoqqortoormiinut aamma Ammassallip kommuniinut tapiissutit annertussusissaat aamma tapiissuteqarnissami piumasaqaatit pillugit immikkut ittunik Naalakkersuisut malittarisassaliorsinnaapput.

§ 8. § 3 malillugu suliniutinut nutarterisunut Naalakkersuisut tapiisinnaapput suliniummi aningaasartuutit 50%-ii tikillugit.

Imm. 2. *Imm.* 1 malillugu suliniummi aningaasartuutinut ilaapput:

- 1) Misissuinerit.
- 2) Pisiat, kisiannili tassunga ilaamatik angallatit, illut atortullu aalajangersukkut allat.
- 3) Teknikkikkut, aningaasatigut biologinillu siunnersorneqarnerit.

Nammeneq aningaasaliissutit

§ 9. Naalakkersuisut tapiisinnaapput piumasaralugu qinnuteqartup nammeneq aningaasaliissutini uppernarsassagai.

Imm. 2. Nammeneq aningaasaliissutit isigineqarput:

- 1) Aningaasat tigoriaannaat.
- 2) Pigisat § 7, imm. 2 malillugu pisianut tamarmiusunut ilaasut.
- 3) Pigisat § 8, imm. 2, nr. 2 malillugu suliniummi aningaasartuutinut ilaasut.

Tuniseqqinnermi piumasaqaateqarneq

§ 10. Naalakkersuisut tapiissuteqarsinnaapput piumasaralugu angallat imaluunniit suliniummi pigisat angallatip imaluunniit suliniummi pigisat tunniunneqareerneranniat ukiuni qulini siullerni tunineqannginnissaat. Naalakkersuisut qinnuteqartoqareerneratigut tapiissutit utertillugit akilerneqareernerisigut tunisinissaq akuerisinhaavaat.

Imm. 2. Kisiannili Naalakkersuisut akuersissutigisinhaavaat tapiiffingineqartup angallat suliniummillu pigisat tunisinnaagai, piginnittoq nutaaq § 4 malillugu tapiiffingineqarnissamut piumasaqaatit naammassippagit suliniummillu allaaserinninnermik nassiussippat aamma § 5 malillugu uppernarsaatnik nassiussippat.

Imm. 3. Imm. 2 malillugu angallammik suliniummillu pigisanik tunisinermi tapiinerme piumasaqaatit allanngortinnagit ingerlaqqissapput. Tapiinerme piumasaqaatit piginnittup nutaap akuerissavai.

Uppernarsaaneq

§ 11. Naalakkersuisut tapiissutinik tigusisoq uppernarsaatnik tunniussinissamik piumasaqaateqarfingisinhaavaat, taassuma ataani ukununnga uppernarsaatit:

- 1) Suliniummi aningaasaqarneq, taassuma ataani aningaasartuutit suut suliniutip piviusun-ngortinnerani aningaasartuutaasimanersut.
- 2) Suliniummi tunisassianit aningaasat isertitat.
- 3) Tuniseqqissinnaanermi piumasaqaatit atuutsillugit ukumoortumik naatsorsuutit.

Kapitali 5

Tapiissutinik utertitsilluni akiliineq

§ 12. Tapiissutit utertillugit akilerneqarnissaannik Naalakkersuisut piumasaqarsinnaapput, ukuninnga pisoqarpat:

- 1) Tapiissutinik tigusisoq qinnuteqarnermini pingaarutilinnik eqqunngitsunik paassisutissiisimappat.
- 2) Tapiissutinik tigusisoq § 11 malillugu peqqussutinik nalunaarutigineqartunik malinnin-ngippat.
- 3) Tapiissutinik tigusisoq suliniutip ingerlanneqarnerani piviusunngortinneqarneranilu aammalu suliffeqarfimmik pitsasumik ingerlatsinermi atuuttunik annertuumik sumiginnaappat.
- 4) Tapiissutinik tigusisoq tapiinerme piumasaqaatinik atugassaqaritunillu sumiginnaappat.

§ 13. Tapiissutit utertillugit akilerneqarnissaat Naalakkersuisut piumasarisinnaavaat, imatut pisoqarpat:

- 1) Tapiissutinik tigusisoq ingasattumik sumiginnaasimaneq pissutigalugu akiliisinnaajunnaartutut nalunaarutigineqarpat.
- 2) Tapiissutinik tigusisup pilersaarut tuneqqissimappagu.
- 3) Suliniut tapiiffingineqartoq ingerlatsiveqatigiiffimmit allamit tiguneqarpat imaluunniit piumasaqaatin tunngavigineqartut sinnerlugit pilersaarummut tunngatillugu piginnittuusut annertuumik allanngorpata.
- 4) Tapiissutinik tigusisoq aalisarsinnaanermut akuersissummi piumasaqaatit imaluunniit aalisarnermi suliniummilluunnniit pisortat akuersinermanni piumasaqaataannik naammassisinnaajunnaarpata.

Kapitali 6

Ataatsimut aalajangersakkat

- § 14.** Tapiinermi allaffisornermilu ingerlatsinermut malittarisassanik Naalakkersuisut aalajangersaasinnappaat, taassuma ataani:
- 1) Suliniutit suut tapiiffigineqarsinnaanersut.
 - 2) Nunap sortaani tapiissuteqartoqarsinnaanersoq.
 - 3) Inuussutissarsiutit immikkoortut suut tapiiffigineqarsinnaanersut.
 - 4) Qinnuteqartumut sulinummullu ilinniagaqarnikkut, aningasaqarnikkut teknikkikkullu piumasaqaatit.

Kapitali 7

Pineqaatissiissutit

- § 15.** Ukuninnga pisoqartillugu pillammik akiliisitsoqarsinnaavoq:
- 1) Pissutsinik § 12 malillugu tapiissutinik utertitsilluni akiliinissamik kinguneqartumik unioqqutitsineq.
 - 2) Pisortanut salloqittaalluni paassisutissiineq, takuuk § 4.
 - 3) § 11-imi piumasaqaatit aalajangerneqarsimasut sumiginnarneqarsimappata.
- Imm. 2. Suliffeqarfik tamakkiisumik ilaannakortumilluunniit naalagaaffimmit, Namminersornerullutik Oqartussanit pigineqartoq, kommune imaluunniit kommunimi ataatsimoorussaq communalbestyrelsit aamma nunaqarfinni aqutsisut il.il. pillugit inatsisartut inatsisaasa ataaniittooq, aktieselskabi, anpartsselskabi, andelsselskabi assigisaalluunniit unioqqutitsippata suliffeqarfik assigisaallu pinerlunnermi inatsisit naapertorlugit akisussaatinneqarsinnaavoq. Tamannattaaq atuuppoq Namminersornerullutik Oqartussanit, kommunimit imaluunniit kommunimi ataatsimoorussamit communalbestyrelsit aamma nunaqarfinni aqutsisut il.il. pillugit inatsisartut inatsisaasa ataaniittumit unioqqutitsineq iliuuserineqarsimappat.*
- Imm. 3. Inatsit manna malillugu malitarisassani aalajangersarneqarsinnaavoq malittarisassanik unioqqutitsineq akiliisitsinermik kinguneqarsinnaasoq.*
- Imm. 4. Malittarisassani Inatsisartut inatsisaat manna malillugu aalajangersarneqartuni suliffeqarfik tamakkiisumik ilaannakortumilluunniit naalagaaffimmit, Namminersornerullutik Oqartussanit pigineqartoq, kommune imaluunniit kommunimi ataatsimoorussaq communalbestyrelsit aamma nunaqarfinni aqutsisut il.il. pillugit Inatsisartut inatsisaasa ataaniittooq, aktieselskabi, anpartsselskabi assigisaalluunniit unioqqutitsippata suliffeqarfik assigisaallu unioqqutitsineranni pillammik akiliisitsinissaq pillugu malittarisassanik aalajangersaasoqarsinnaavoq. Aammattaaq Namminersornerullutik Oqartussat, kommune imaluunniit kommunimi ataatsimoorussaq communalbestyrelsit aamma nunaqarfinni aqutsisut il.il. Inatsisartut inatsisaasa ataaniittooq unioqqutitsisillugit pillammik akiliisitsinissaq pillugu malittarisassanik aalajangersaasoqarsinnaavoq.*

Atuutilerfia

- § 16.** Inatsisartut inatsisaat ulloq 15. december 2006 atuutilissaaq.

Namminersornerullutik Oqartussat, ulloq 20. november 2006

Hans Enoksen

/

Finn Karlsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut